

三家宮詞



24275

三

家

宮

詞

毛
管
輯

中
華
書
局

叢書集成初編

三家宮詞

中華書局出版發行

(北京王府井大街三十六號)

秦皇島市資料印刷廠印刷
一九八五年北京新一版

開本：七八七乘一〇九二毫米三十二分之一
統一書號：一七〇一八·一五一

序

小星鴉鳴三百篇之宮
詞也著金環而御夕鳴
玉帛以驚晨其萬世
管之輝耀與嗣後昭陽


寵之福曜之凝彩聯篇鈞
翠沈之弓韜之素象累牘
玉於玄雲失護以無什日塵
或倚徙雲日徘徊風月思
雉宿於鳳墀想羊車於

磨窮苦不飛華捉藻繡
果據懷白滴齋紙之泪紅
拭袖之血迨夫才人學
士感恩無聊負設永卷
之函惟寄垣堦之邈隔

生移來畫花牋而屑字
碧窗瑣却展素紙而揮
毫余非三噴玉屑筆在時
需多者百篇而止幾什白
唐造宋先稱三家仍舊

本也若子家之泰錯子家
之汙漫當安敢訂以俟
後

天啟乙丑夏杪毛晉漫眼



三家宮詞

此據詩詞雜俎本
影印初編各叢書
僅有此本

三家宮詞目

唐

王建

一百首

蜀

花蕊夫人

一百首

宋

王珪

一百首

三家宮詞目終

宮詞

明東吳毛晉子晉輯

唐

王建

蓬萊正殿壓金鰲紅日初生碧海濤開着五門
遙北望赭黃新帕御牀高
殿前傳點各依班召對西來入詔蠻上得青花
龍尾道側身偷覷正南山

龍烟日暖紫重重宣政門當玉殿風五刻閣前
卿相出下簾聲在半天中

白玉窻前起草臣櫻桃初赤賜嘗新殿頭傳語
金階遠因進辭來謝聖人

內人對御疊花牋繡坐移來玉案邊紅蠟光中
呈草本平明舁出閣門宣

千牛仗下放朝初玉案傍邊立起居每日進來
金鳳紙殿頭無事不教書

延英引對碧衣郎江硯宣毫各別牀天子下簾
親考試宮人手裏過茶湯

未明開着九重關金畫黃龍五色幡直到銀臺
排仗合聖人三殿對西番

少年天子重邊功親到凌烟畫閣中教覓勲人
寫圖本長將殿裏作屏風

丹鳳樓門把火開五雲金輅下天來堦前走馬
人宣慰天子南郊一宿回

樓前立仗看宣赦萬歲聲長再拜齊日照綵盤
高百尺飛仙爭上取金鷄

集賢殿內圖書滿點勘頭邊御印同真跡進來
依數字別收鎖在玉函中

秘殿清齋刻漏長紫微宮女夜焚香拜陵日近
公卿發鹵簿分頭出太常

新調白馬怕鞭聲供奉騎來遶殿行爲報諸王
侵早入隔門催進打毬名

對御難爭第一籌殿前不打背身毬內人唱好
龜茲急天子龍輿過玉樓

新衫一樣殿頭黃銀帶排方獺尾長總把金鞭
騎御馬綠駿紅額麝蘭香

羅衫葉葉繡重重金鳳銀鵝各一叢每遍舞頭
分兩向太平萬歲字當中

魚藻宮中鎖翠娥先皇行處不曾過如今池底
休鋪錦菱角雞頭積漸多

殿前明日中和節連夜瓊林散舞衣傳報所司
分蠟燭監開金鎖放人歸

五更三點索金車盡放宮人出看花仗下一時
催立馬殿頭先報內園家

城東北面望雲樓半下珠簾半上鉤騎馬行人
長速過恐防天子在樓頭

射生宮女宿紅妝請得新弓各自張臨上馬時
齊賜酒男兒跪拜謝君王